

MINNISBLAÐ**Viðtakandi:** Skóla- og frístundaráð**Sendandi:** Helgi Grímsson, sviðsstjóri skóla- og frístundasviðs***Skólavist barna á grunnskólaaldri með lögheimili í Reykjavík skólaárið 2021-2022***

Samkvæmt lögum um grunnskóla nr. 91/2008 ber sveitarfélögum að sjá til þess að skólaskyld börn, sem eiga lögheimili í sveitarfélaginu, njóti skólavistar. Skólaskyldan er að jafnaði tíu ár en getur verið skemmri. Öllum börnum, að jafnaði á aldrinum 6-15 ára, er skylt að sækja grunnskóla.

Í mars 2022 voru samkvæmt Þjóðskrá Íslands 15.534 börn á grunnskólaaldri með lögheimili í Reykjavík. Þar af stunda 13.812 nemendur nám í almennum grunnskólum Reykjavíkurborgar, 104 í sérskólunum tveimur Klettaskóla og Brúarskóla og í sjálfstætt reknum grunnskólum í Reykjavík stunda 759 reykvískir nemendur nám. Samtals eru þetta 14.675 nemendur af fyrrnefndum 15.534.

Nám í almennum skólum í öðrum sveitarfélögum á Íslandi stunda 315 reykvísk börn og í sjálfstætt reknum grunnskólum utan Reykjavíkur stunda samtals 119 reykvísk börn nám, þar af 12 í sjálfstætt reknum sérskóla. Þá eru 11 börn sem annað hvort ættu að öllu jöfnu að vera 10. bekkingar í dag en eru þegar útskrifuð eftir 9 ára nám eða ættu að vera byrjuð í grunnskóla en eru í leikskóla.

Samtals 374 börn með lögheimili í Reykjavík eru staðsett erlendis og því ekki skráð í grunnskóla á Íslandi. Þetta eru börn sem dvelja erlendis með foreldrum sínum, m.a. börn starfsmanna í sendiráðum. Eftir standa 40 börn sem ekki er vitað hvar eru með skólavist, hér eftir ótilgreinda skólavist, sjá nánari upplýsingar aftar í minnisblaðinu. Þegar sambærilegt minnisblað var tekið saman fyrir skóla- og frístundaráð í lok janúar 2021 voru 72 börn með ótilgreinda skólavist. Ráðinu var kynnt staðan á ný í júní 2021 í lok skólaárs og þá voru 22 börn með ótilgreinda skólavist.

Hér að neðan er yfirlit yfir skólavist barna með lögheimili í Reykjavík skólaárið 2021 – 2022.

Skólavist	Fjöldi nemenda	Hlutfall
Almennir skólar Reykjavíkurborgar	13.812	88,9%
Sérskólar Reykjavíkurborgar	104	0,7%
Sjálfstætt starfandi skólar	759	4,9%
Samtals í skólum í Reykjavík	14675	94,5%
Almennir skólar utan Reykjavíkur	315	2,0%
Sjálfstætt starfandi skólar utan Reykjavíkur	107	0,7%
Sjálfstætt starfandi sérskóli utan Reykjavíkur	12	0,1%
Útskrifaðir eftir 9 ára nám eða í leikskóla	11	0,1%
Nemendur erlendis/sendiráð	374	2,4%
Ótilgreind skólavist	40	0,3%
Samtals með lögheimili í Reykjavík	15534	100%



Í meðfylgjandi fylgiskjali er skipting nemenda eftir árgöngum niður á skóla í Reykjavík þann 1. október 2021. Þá stunduðu samtals 15.440 nemendur nám í grunnskólum í Reykjavík. Hér er um að ræða alla nemendur í skólum Reykjavíkur, annarsvegar fyrrnefnda 14.675 nemendur sem eiga lögheimili í Reykjavík og hinsvegar þann 765¹ nemendur sem ekki á lögheimili í Reykjavík heldur er búsettur í öðrum sveitarfélögum eða er kennitölulaus

Í töflunni hér að neðan sést fjöldi barna með lögheimili í Reykjavík skólaárin 2017/18-2021/22.

Skólaár	Fjöldi barna með lögheimili í Rvk	Fjöldi nemenda í grunnskólum í Rvk
2017/18	14833	14947
2018/19	15175	15097
2019/20	15385	15253
2020/21	15567	15483
2021/22	15534	15440

Ef ekki liggja fyrir upplýsingar um skólavist barns í skráningarkerfum sem skóla- og frístundasvið hefur aðgang að, er leitað upplýsinga hjá leik- og grunnskólum, send bréf á lögheimili fjölskyldnanna og haft samband við foreldra í gegnum síma ef símanúmer liggja fyrir. Einnig er aflað upplýsinga frá Þjóðskrá. Beri leit ekki árangur eru mál tilkynnt Barnavernd Reykjavíkur.

Snemma árs 2020 lagði skóla- og frístundaráð til við mennta- og menningarmálaráðuneyti að komið yrði á fót samræmdu verklagi til að tryggja að engin börn fari á mis við skólagöngu á Íslandi. Um mitt ár 2020 setti mennta- og menningarmálaráðherra af stað starfshóp um skráningarkerfi grunnskólabarna. Hlutverk starfshópsins var að skilgreina þarfir og óskir sem miðlægt skráningarkerfi um grunnskólanemendur þarf að uppfylla og átti Reykjavíkurborg fulltrúa í starfshópnum.

Í svari ráðuneytis, dags. 15. mars 2022 vegna fyrirspurnar skóla- og frístundasviðs um stöðu verkefnisins segir: „Starfshópurinn skilaði greinargerð til ráðherra í september 2021 þar sem skilgreindar voru annars vegar grunnupplýsingar sem skráningarkerfið þarf að innihalda með tilliti til þarfa og óska hagsmunaaðila og hins vegar viðbótarupplýsingar sem gagnlegt væri að skráningarkerfið næði til. Einnig var skoðuð tæknileg högun fyrir skráningarkerfi og var niðurstaðan sú að greina þyrfti á milli tveggja valkosta, annars vegar gagnagrunnskerfi sem hýsir gögn og hins vegar námsumsjónarkerfi sem útfærir notendaviðmót fyrir skráningu og birtingu upplýsinga úr gagnagrunni. Var það mat starfshópsins að báðir hlutar kerfisins þurfi að vera til staðar en lagt til að þeir yrðu skýrt aðgreindir. Að lokum lagði starfshópurinn áherslu á mikilvægi þess að sett verði á fót miðlægt skráningarkerfi grunnskólabarna hér landi svo til verði heildstæðar, rafrænar upplýsingar í rauntíma um skólavist grunnskólabarna sem nýtast ríki og sveitarfélögum til að framfylgja lögum um grunnskóla, viðeigandi reglugerðum og öðrum lögum um velferð og farsæld barna á skólaskyldualdri. Í kjölfarið var hafist handa í ráðuneytinu við að leggja mat á forgreiningu og tillögur starfshópsins og er nú unnið að því að ljúka nákvæmri hönnun og uppbygging á gagnahögun og fyrirkomulagi skráninga í skráningarkerfinu í samræmi við þarfagreiningu starfshópsins og leggja fram tíma- og verkáætlun fyrir verkið. Á grunni þessa væri svo hægt að fara að leita tilboða og hugmynda að útfærslu verkefnisins í samstarfi við Ísland.is (Stafrænt Ísland).“

¹ Talan 765 fæst með því að draga samtölu barna á grunnskólaaldri með lögheimili í Reykjavík og sem stunda nám í grunnskólum í borginni frá samtölu allra nemenda sem eru í grunnskólum í Reykjavík. Eins og minnisblaðið gefur til kynna eru tölur yfir grunnskólabörn með lögheimili í Reykjavík frá því í mars 2022 en tölur yfir nemendafjölda í grunnskólum í Reykjavík frá 1. október 2021. Það kann því að vera að heildarnemendafjöldinn í Reykjavík hafi breyst lítillega á þeim 5 mánuðum sem þarna skeikar og mismunurinn á samtölunum tveimur sé í mars 2022 ekki nákvæmlega 765.

Grunnskólar Reykjavíkur

Nemendafjöldi skólaárið 2021-2022

1. október 2021

Skóli	1. bekkur	2. bekkur	3. bekkur	4. bekkur	5. bekkur	6. bekkur	7. bekkur	8. bekkur	9. bekkur	10. bekkur	Birta	Alls 2021	Alls 2020	Alls 2019
Austurbæjarskóli	14	36	35	35	33	40	42	54	62	46		397	419	400
Alftamýrarskóli	38	39	35	39	36	42	43	40	39	42	26	419	385	381
Arbæjarskóli	55	57	65	32	61	52	55	102	116	96		691	689	658
Artúnsskóli	17	19	19	29	29	28	35					176	176	191
Borgaskóli	26	30	42	35	35	48	32					248	286	234
Breiðagerðisskóli	51	50	54	65	63	49	54					386	389	404
Breiðholtsskóli	45	28	39	44	45	44	42	49	50	46		432	421	425
Dalskóli	39	39	37	49	43	44	49	38	24	32		394	348	305
Engjaskóli	26	27	35	37	35	31	55					246	250	239
Fellaskóli	34	29	36	24	42	35	35	38	37	34		344	324	323
Foldaskóli	25	25	29	35	33	32	45	93	79	71		467	490	496
Fossvogsskóli	41	45	41	45	52	50	53					327	353	328
Grandaskóli	48	47	46	46	52	65	39					343	349	357
Hagaskóli								197	216	190		603	601	567
Hamraskóli	34	37	30	28	29	17	16					191	186	174
Háteigsskóli	32	38	36	49	61	46	69	39	47	54		471	457	451
Hlíðaskóli	49	56	66	55	49	64	68	49	48	52		556	544	509
Hólabrekkuskóli	42	53	60	49	53	49	45	52	33	41		477	510	508
Húsaskóli	33	17	21	21	19	20	29					160	148	154
Hvassaleitisskóli	27	24	25	17	33	30	33					189	179	159
Ingunnarskóli	21	27	32	34	29	43	44	44	37	34		345	378	387
Klébergsskóli	7	8	14	13	9	16	11	7	11	8		104	113	124
Langholtsskóli	57	59	56	62	69	74	87	89	85	67		705	699	681
Laugalækjarskóli							104	90	95	82		371	351	344
Laugarnesskóli	83	108	105	97	74	100						567	583	558
Melaskóli	69	85	68	63	78	100	88					551	579	570
Norðlingaskóli	50	57	56	52	63	73	70	62	55	61		599	598	610
Réttarholtsskóli								132	144	136		412	399	401
Rimaskóli	48	58	45	56	53	44	64	44	48	45		505	522	524
Selásskóli	25	23	30	32	25	36	26					197	216	213
Seljaskóli	51	53	80	62	65	73	69	70	56	67		646	643	666
Sæmundarskóli	40	32	39	51	31	58	43	50	52	45		441	474	484
Vesturbæjarskóli	34	46	39	46	48	48	50					311	335	349
Víkurskóli								75	67	95		237	230	335
Vogaskóli	22	38	39	30	32	36	38	35	38	40		348	336	332
Ölduselsskóli	43	53	48	51	51	52	58	67	51	43		517	515	509
Samtals almennir	1226	1343	1402	1383	1430	1539	1591	1516	1490	1427		14373	14475	14350
Barnaskóli Hjallastefnu, Reykjavík	39	25	26	25	25	19	15					174	145	121
Landakotsskóli	33	36	31	25	32	32	39	33	23	29		313	293	247
Skóli Ísaks Jónssonar	61	50	52	45								208	205	199
Suðurhlíðarskóli		1	2	3	6	15	7	9	3	2		48	43	39
Tjarnarskóli								18	20	19		57	48	50
Waldorfskólinn Sólstafr	12	12	10	13	10	8	15	8	13	9		110	112	97
Samtals sjálfstætt starfandi	145	124	121	111	73	74	76	68	59	59		910	846	753
Samtals alm. Og sjálfst.starf.	1371	1467	1523	1494	1503	1613	1667	1584	1549	1486		15283	15321	15103
Brúarskóli				3	5	5	8	4	5	4		33	34	33
Klettaskóli	11	10	14	18	9	15	9	14	12	16		124	128	117
Samtals sérskólar	11	10	14	21	14	20	17	18	17	20		157	162	150
Samtals alm. og sérskólar	1237	1353	1416	1404	1444	1559	1608	1534	1507	1447		14530	14637	14500
Samtals allir skólar	1382	1477	1537	1515	1517	1633	1684	1602	1566	1506		15440	15483	15253